

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Općina Teočak**  
**Općinski načelnik**  
**Broj: 02-11-1050-6/20**  
**Teočak, 30.11.2020. godine**

Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14), te člana 43. Statuta općine Teočak („Službeni bilten općine Teočak broj: 5/08 i 2/12), Općinski načelnik d o n o s i:

### **ODLUKU**

o rezultatima okončanog postupka javne nabavke i izboru najpovoljnijeg ponuđača

#### **Član 1.**

Na osnovu Zapisnika o pregledu i ocjeni ponuda broj: 02-11-1230-5/20 završenog dana 20.11.2020. godine, a u skladu sa dopisom od Agencije za javne nabavke broj: 04-02-1-2209-2/20 od 13.11.2020 godine kojim su dostavili mišljenje vezano za primjenu Zakona o javnim nabavkama, ugovor za Rekonstrukciju magacina u MZ Bilalići dodjeljuje ponuđaču: „TOM-CAT“ doo Tuzla po ponudi broj: 520/20 od 23.10.2020. godine za ponuđenu cijenu od 257.554,00 KM bez PDV-a. Navedena cijena je ocijenjena kao najpovoljnija nakon održane e-aukcije dana 28.10.2020. godine.

#### **Član 2.**

Prijedlog Ugovora dostavit će se na potpis izabranom ponuđaču: „TOM-CAT“ doo Tuzla, sa sjedištem u ulici Izeta Sarajlica 44- Slavinovići, 75000 Tuzla.

#### **Član 3.**

Izabrani ponuđač je obavezan u roku od 5 dana dostaviti dokaze o činjenicama navedenih u izjavi iz člana 45. Zakona o javnim nabavkama BiH, kao i Obrazac za cijenu ponude korigovan za cijenu ponuđenu putem e-aukcije.

#### **Član 4.**

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama.



## Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-1230-1/20 od 08.10.2020. godine. Javna nabavka je provedena putem otvorenog postupka za dostavu ponuda, broj obavještenja sa portala javnih nabavki: 98-1-3-40-3-14/20. Procjenjena vrijednost javne nabavke bez PDV-a je 225.000,00 KM.

Komisija za javnu nabavku dostavila je Ugovornom organu kopiju Zapisnika o otvaranju ponuda broj: 02-11-1230-4/20 dana 26.10.2020. godine i Zapisnik o pregledu i ocjeni ponuda broj: 02-11-1230-5/20 od 20.11.2020. godine u postupku javne nabavke Rekonstrukcija magacina u MZ Bilalići.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 3(tri) i to ponude od: „TOM-CAT“ doo Tuzla, „Papilon“ doo Čelić i „G.D. Konstrukcije“ doo Mostar
- ukupan broj blagovremeno zaprimljenih ponuda je 3(tri) i to ponude od: „TOM-CAT“ doo Tuzla, „Papilon“ doo Čelić i „G.D. Konstrukcije“ doo Mostar

Kriterij za ocjenu ponuda je najniža cijena.

Tehnički, pravno i ekonomski, ponude od sva tri ponuđača su prihvatljive. Ukupne cijene po ponuđačima prije održavanja e-aukcije su bile sljedeće: „TOM-CAT“ doo Tuzla sa ukupnom cijenom od 262.089,11 KM, „Papilon“ doo Čelić sa ukupnom cijenom od 358.759,31 KM i „G.D. Konstrukcije“ doo Mostar sa ukupnom cijenom od 257.812,71 KM. Sve navedene cijene su bez obračunatog PDV-a. Nakon održane e-aukcije dana 28.10.2020. godine sa početkom u 15:00h formirana je nova rang lista ponuđača sa sljedećim redoslijedom (cijene su bez obračunatog PDV-a):

1. „TOM-CAT“ doo Tuzla sa ponuđenom cijenom od 257.554,00 KM - najpovoljnija ponuda
2. „G.D. Konstrukcije“ doo Mostar sa ponuđenom cijenom od 257.812,71 KM
3. „Papilon“ doo Čelić sa ponuđenom cijenom od 358.759,31 KM

Obzirom da je cijena najpovoljnije ponude veća od procijenjene vrijednosti za iznos od 32.554,00 KM Ugovorni organ je poslao Zahtjev za davanje mišljenja prema Agenciji za javne nabavke. Agencija je dopisom broj: 04-02-1-2209-2/20 od 13.11.2020. godine između ostalog navela i sljedeće: „Budući da najpovoljnija ponuda prema kriteriju za dodjelu ugovora prelazi iznos planiranih sredstava, ugovorno tijelo ima mogućnost dodjele ugovora, ukoliko osigura nedostajeći iznos finansijskih sredstava za istu. Naime, članom 69. stav(2) tačka e) Zakona propisano je da ugovorno tijelo poništava postupak nabavke ako su cijene svih prihvatljivih ponuda znatno veće od osiguranih sredstava za predmetnu nabavku. Međutim ni Zakonom ni pripadajućim podzakonskim aktima nije propisano koje odstupanje se ima posmatrati kao „znatno veće“. Dakle, od raspoloživog budžeta, realizacije prethodnih nabavki

tj. da li je potencijalno bilo ušteda po prethodnim ugovorima, stepenu prioriteta nabavke, hitnosti, da li je opravdano da se zbog realizacije konkretnog ugovora odustane od neke druge planirane nabavke ovisi da li će ugovorno tijelo u konkretnom slučaju nastaviti postupak ili isti poništiti u skladu sa članom 69. stav(2) tačka e) Zakona, a opet u odnosu od mogućnosti ugovornog tijela da osigura nedostajeći iznos finansijskih sredstava za ugovor koji bi trebao biti sklopljen. Konačna odluka o pomenutom pitanju je na ugovornom tijelu“.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

### **Pouka o pravnom lijeku**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno:

- ponuđačima
- a/a



Općinski načelnik

Tajib Muminović